

SANITÉ: Le dotur Ed. Agreiter é demez dal lönesc al vëndres, dai 19 ai 23 /09 y vëgn sostituí dala doturia Gr. Mahlknecht (0474 523 018 / 349 06 67 034).

COMUN: En domënia, ai 25 de setëmbër, él da jí a lité (lites parlamentares). Chirísse bele sègn la cherta da lité. Sc'i ne la ciafëis nia plü o sc'ara é bele timbrada deplëgn, podëise passé l'edema dan les lites te Comun tratan les ores d'ofize a ves lascé fá na cherta nòia.

Formaziun de na gradatöra por l'assegnaziun de terac da fabriché alisiré - L'Aministraziun dl Comun de San Martin de Tor á l'intenziun da assegné i loc de terac por le fabriché alisiré a desposiziun y les sperses che sará a disposiziun tratan la perioda de validité dla gradatöra; les domandes mëss gní dades jö tl secretariat de comun cina ai 31.10.2022. I formulars por la domanda è da ciafè tl secretariat de comun. Informaziuns plü avisa ciafëise dala secreteria de comun, dr. Roberta Comploj (tel. 0474 – 524 372).

SAN MARTIN

Incö, domënia, ai 18 de setëmbër, fej le Cor de dlíja da Oberbozen/Ritten súa jita a San Martin y ciantará dala Gran Mëssa. I ti dun le bëgnü.

LUNGIARÜ

La Uniun di Èi da Lungiarü inviëia düc da tó pert al Tru dles Staziuns en domënia, ai 25 de setëmbër; i piun ia dales 14.00 da dlíja demez.

I Seniors y les Seniores da Lungiarü é dër bel inviá/inviades ala spazirada dla Uniun ite en Ciampcios, en domënia ai 25 de setëmbër. I piun ia dala plaza da parché da Pares demez dales 10.00. Chi che ó po ince jí inant por Jovac-Seres o Ví. - Sc'al é bur tēp, junse la domënia do ai 02 d'otober.

"L' APCAT y le Consëi de Formaziun de Badia inviëia a n referat cun discusciun sura le consum de alcol y droga, en dedolönesc, ai 27 de setëmbër, dales 20.00 sön Badia, tla Ciasa J.B. Runcher. Dr. Peter Mazzurana dla Polizia de Stat da Balsan nes dará informaziuns sura la prevenziun y i aspec iuridics".

Le Raiun Sozial Val Badia chir personal y plü avisa 1 pedagog/ga sozial/a al 50% y 1 assistënt/a sozial/a a tēp plëgn dal 1° de dezëmbër 2022 inant. Por informaziuns cherdede sö präibel le 0474 524 507 (Siglinde Erlacher).

Museum Ladin en gaujiun di 35 agn dala descorida dl ander de Conturines - Ecurjiun sö dal Ander de Conturines (2.750 m) cun esperc la sabeda ai 24/09 dales 08.30 dala Capanna Alpina. Düc pó tó pert debann. Da bur tēp vëgn l'escurjiun desdita: dales 15.00 na vijita menada tl Museum da San Ciascian - Stories de pices laurs cun Erika Castlunger tl Museum Ladin a San Ciascian vëndres, ai 23/09 dales 17.00; domënia, ai 25/09 dales 10.30 y dales 17.00 por mituns dai 3 ai 8 agn, prisc: 3 euro. Info y prenotaziuns: Museum Ladin 0474 524 020, info@museumladin.it

TI Ciamp dal Sport Pradel él incö domënia, ai 18 de setëmbër, dales 15.30 la partida dal palé de 3ª categoria danter Val Badia y Percha



Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

18.09. - 25.09.22 n. 43

<https://www.valbadiaonline.it>

ultimo termo por comunicaziuns: jöbia, dales 20.00

25ª DOMËNIA IA POR L'ANN C

Vangele do Lūca 16,1-13

N'ël rich â n aministradù. Chësc àn incolpè dan da d'ël, che al spaterlass ia so avëi. Sön chëra l'âl fat cherdè y ti à dit: Cî aldi pa porsura tè? Dà cunt de tûa aministraziun! Te ne pos nia restè inant mi aministradù.

Dailò à l'aministradù ponsè sura: Al à cherdè adalerch i debiturs dl patrun, un indolater, y à damané le pröm. Tan ti este pa de debit a mi patrun?

Al à respognü: Cënt barjì d'öre. Y al ti à dit: Tol to scrit de debit, sëntete atira y scrí "cincanta". Spo àl damanè n ater:

Tan este pa tò de debit? Chël à respognü:

Cënt sac de formënt. Y al ti à dit:

Tol to scrit de debit, y scrí "otanta".

Y le Signur à laldè la furbizia dl amini-

stradù dejonèst y à dit: I fis de chësc monn é cun chi de súa sort plü furbi co i mituns dla löm. I ves diji: Fajëse amisc cun l'aiüt dla richëza iniüsta, por ch'i gnëise tué sö tles abitaziuns eternes canch'ara jarà cun os a fin.



Le tēp é cört y l'aministradú se dá atira da fá y ne pisimëia nia n pez.

Al sfrutëia súa posiziun y súa potesté ch'al á ciamó y proa da se mëte al sigü, s'la fajn buna cun sü debiturs, por che chisc le toles sö te sües abitaziuns.

Insciö n'á l'aministradú nia bria da se cruzié por canch'al pordará so laur.

Gejú lalda l'aministradú dejonèst: al é sté furbo y á salpü da fistidié por so dagní.

Ince a nos se restel ma püch tēp, porchël él da tó l'ocajun da se mëte al sigü: cun furbizia, tolon bëgn i mesi de chësc monn, mo por i investí por l'ater monn.

Porchël orunse tó sö le consëi dl vangele

y s'la fá buna cun chë jënt dlungia nos che á debojëgn de nosc aiüt, chëra sarál che nes daidará da jí ite tles abitaziuns eternes.

Ch. Br.

EDEMA	SAN MARTIN	LUNGIARÜ	„Sc'i savessun“ <i>Tla parabola che Gejü cunta tl vangele de chësta domënia, s'á l'aministradú dejonëst atira intenü ch'al â ma plü püch tēmp da fistidié por so dagní.</i>  Na mëda de 97 agn, ch'i ê jüda a cialé te na ciasa de palsa, m'á fat na gran impresciun dijon: <i>„Sc'i savessun tan cörta che la vita é, se fajessun cotan deplü ligrëzes un al ater.“</i> Ci che chësta mëda m'á dit ala fin de süa vita tan lungia me toma tres indô ite: sc'i á da combate cun d'atres minunghes o sce bagateles da vigni de me destürba. Al basta n pice recort y le dit de chë mëda fej süa faziun sciöche na medejina. Mi pinsiers é indô lëdi y al me vëgn de bunes ideas coch'i pó ti jí adincuntra a porsones che s'aspeta val' da me. Él plü important ch'i critichëies ci che ne me scüsa nia o á por le momënt chë porsona dan da me plütosc debojëgn de n confort o de n lalt? Porchël ne mëssi nia jí sura fora y fá sciöche les cosses che destürba foss apost. Mo i pó ciaré da influenzé les situaziuns che me capitëia te na maniera ch'ares sides por i atri plü lisieres y plajores. A.P.
18.09.22 25^a Domënia ia por l'ann C	9.00 Corona 9.30 Gran Mëssa por la comunité + Otto Zingerle (dl ann) + Clara Frenner Zingerle Benedisciun dl tēmp <i>(al cianta le cor da Oberbozen)</i>	7.50 Corona 8.15 Gran Mëssa por la comunité Benedisciun dl tēmp 15.00 Corona tla capela Ojöp da Oies	
19.09.22 <i>Jenare, Igor, Ferdinand</i> Lönesc			
20.09.22 <i>André Taeg., Paul Has.</i> Dedolönesc	19.00 Mëssa + Heinrich Clara + Luigina Boschiero		
21.09.22 <i>San Matí, ap.vang., Iona</i> Dedemesaledema		7.30 Mëssa + + Pire y Angela Dapoz dl ann + Franz Costa, Ustí Vedl	
22.09.22 Jöbia <i>Maurizius y comp., Emeram</i>	7.30 Mëssa - Corona por vocaziuns + + + Pescosta/Verda y Hermann Burkia + + families Prousch y Perathoner		
23.09.22 <i>Pio da Pietrelcina, Tecla</i> Vëndres	18.30 Devoziun chîta 19.00 Devoziun deboriada	7.30 Mëssa dl ann + Carlo Mischi de rengr. fam. Iaco Castlunger	
24.09.22 Sabeda <i>Rupert y Virgile</i>	20.00 Mëssa prefestia <i>(cun siur Klaus)</i> por fam. Peter Videsott por fam. Zingerle, Col, a d'intenz. siur H. Videsott + Uli Costabiei, Corvara	18.30 Mëssa prefestia por i + + d'Alní <i>(cun siur Klaus)</i> + Sutto y Martin 11.00 Noza de Simon Moling y Lucia Kehrer	
25.09.22 26^a Domënia ia por l'ann C	SEGRA DA SAN MARTIN 9.00 Corona 9.30 Gran Mëssa por la comunité de rengr. dla pesc tles families Benedisciun dl tēmp	7.50 Corona 8.15 Gran Mëssa por la comunité Benedisciun dl tēmp 15.00 Corona tla capela Ojöp da Oies	
Invit ala indunada decanala dl „Movimënt Catolich di Èi – katholische Männerbewegung“ en dedemesaledema, ai 21 de setēمبر, dales 20.00 tl salf de calonia a San Martin cun la lîta dl comité nü. La Uniun di Èi dl decanat Val Badia inviëia spo duc i ëi y i jogn da tó pert ala prozesciun cun linternes l'ater vëndres, ai 30 de setēمبر, dales 19.30 dala dlijia de Badia sö Oies. Recordësse da se tó do na linterna o na ciandëra. Le vëndres, ai 30 de setēمبر, vëgnel tigní dales 14.30 ales 16.00 sö Oies na introduziun al „Bibliog“ por todësch . An liará la Sacra Scritöra te na maniera via y interessanta po la vita. Präibel prenotesse dai 22 ai 29 de setēمبر por e-mail info@freinademetz.it o por telefon 0471 839 635 (Br. Michael Ertl)			